

● ՆԱԾԱՐԱՄ

ԹԱԹՈՒԼ ՀՈՒՐՑԱՆ

Թաթուլ Հուրյանը սովետական երիտասարդ գրական սերնդի տաղանդավոր ներկայացուցիչներից մեկն է: Նրա ինքնատիպ և կենսունակ տաղանդը կարճ ժամանակամիջոցում ստեղծել է գաղափարապես հագեցված, արվեստի նորանոր ձևերով հարուստ ստեղծագործություններ:

Թ. Հուրյանը (Խաչատրյան) ծնվել է 1912 թ. Տաճկաստանում՝ հայ չքավոր գյուղացու ընտանիքում: 1914 թ. պատերազմի տարիներին նրա ծնողները գաղթում են Հայաստան, հաստատվում էջմիածնի գավառի էվչիլար գյուղում: Սովետական կարգերի հաստատումից հետո նրանց ընտանիքը տեղափոխվում է Բաքու:

Հուրյանը բանաստեղծություններ է գրել աշակերտական տարիներից: Նրա առաջին ժողովածուն լույս է տեսել 1932 թվին «Հողի արյունը» վերնագրով: Դրան հաջորդում է «Հասակ» վերնագիրը կրող բանաստեղծությունների ժողովածուն՝ 1934 թ.: Այնուհետև նա գրում է «Սայաթ-Նովա» պոեմը և «Ֆրիկ» դրամատիկական պոեմը: 1941-ին հրապարակվում է Թ. Հուրյանի պոեմների ժողովածուն:

Հայրենական պատերազմի առաջին օրերին բանաստեղծը մեկնում է ռադամական, պաշտպանելու իր հայրենիքի ազատությունը և անկախությունը:

1942 թվի հունիսի 20-ին Սևաստոպոլի պաշտպանության դիրքերում հերոսի մահով ընկնում է Թաթուլ Հուրյանը: Հայրենիքի համար ընկած հերոսը հետմահու պարգևատրվում է Կարմիր Դրոշի շքանշանով:

* * *

Թաթուլ Հուրյանի առաջին շրջանի բանաստեղծությունները զետեղված են «Հողի արյունը» վերնագիրը կրող ժողովածուի մեջ. դրանք բացահայտում են բանաստեղծի փայլուն տաղանդը և նրա գաղափարական աճը սոցիալիզմի հաղթանակի և նրա կառուցման տարիներին:

Բանաստեղծությունների առաջին շարքը կրում է «Մուրճերի հաղթական երգը» վերնագիրը: Այդ բանաստեղծությունները նվիրված են սոցիալիստական շինարարությանը. Հուրյանը ձգտել է բացահայտել սովետական մարդու ուժեղ կամքը՝ ղեկավարությունները հաղթահարելու և նորը հաստատելու գործում:

Բանաստեղծի վերապրումները ավելի ընդգծված երևան են գալիս նրա «Քանդումը», «Մովի նահանջը», «Նրգ էնտուզիաստների մասին» բանաստեղծությունների մեջ:

Սակայն պետք է նկատել, որ առաջին շրջանի բանաստեղծությունների մեջ դեռևս անբավարար է նկարագրվող երևույթների էությունը բացահայտումը:

«Կառուցողական» վերնագիրը կրող բանաստեղծության մեջ նոր կյանքի ստեղծման պրոցեսն արտացոլող գեղարվեստական պատկերները դեռևս կոնկրետ չեն, «Ձեռքերը» բանաստեղծության մեջ նա աշխատում է հաղթահարել այդ վերացականությունը:

Հուրյանի բանաստեղծությունները հագեցված են սովետական կյանքի ռոմանտիկայով. այսօրվա հաղթանակի մեջ բանաստեղծը տեսնում է վաղվա գեղեցիկ կյանքի փայլուն հեռանկար: Հուրյանի երգերի մեջ ուժեղ է նորի զգացումը, նորը հաստատելու կենսական ձգտումը: Նրա մոտ նկատվում է *ստեղծագործական ընդհանրացումների կատարելու խիզախ փորձեր*: Բայց նրա գեղարվեստական պատկերները դեռևս լրիվ չեն դրսևորում առաջավոր իդեալները:

1934 թվին հրատարակվում է Հուրյանի բանաստեղծությունների նոր ժողովածուն «Հասակ» վերնագրով. բանաստեղծն այստեղ հայտարարում է ստեղծագործական աճման նոր գծեր: Իր նոր բանաստեղծությունների միջև Հուրյանը արտացոլում է սովետական կյանքի կոնկրետ փոխհարաբերությունները, ստալինյան առաջին հնգամյակի բնորոշ երևույթները: Բանաստեղծի հերոսը սովետական երիտասարդն է, սոցիալիզմի կառուցողը, որը աճել և կազմակերպվել է այդ կառուցման պրոցեսում և համակված է սոցիալիստական վառ իգեաներով: Նա խորապես զգում է իր կատարած գործի կարևոր նշանակությունը, այն, որ նա կառուցում է իր երկիրը նոր կյանք ստեղծելու համար, կառուցում է աշխատավոր մարդկության գալիքը, մեր երկիրն անարիկ ամբողջ դարձնելու համար:

Բանաստեղծին ոգևորում է սոցիալիզմի մարտիկի աննկուն ոգին՝ թե աշխատանքի ժամին, թե սոցիալիստական երկիրը պաշտպանելիս և թե սոցիալիզմի թշնամիներին ջախջախելիս: «Երգեր մահի» բանաստեղծությունների ցիկլի մեջ Հուրյանը արտացոլում է նոր մարդու համար արդեն բնորոշ դարձող հատկանիշներից մեկը, ինչպես աշխատանքի մեջ, այնպես էլ պատերազմի ժամանակ թշնամու դեմ մղած մարտերում հերոսանալու, անմահանալու ձգտում: «Բորբոքվի թող» բանաստեղծության մեջ պոետը զարգացնում է այն միտքը, որ դժվար թե որևէ ուժ կարողանա ընկճել

«Մեր պայքարատենչ համախոհ ոգին
Եվ պարտությունը մեր կրծքին չոքի...»:

Ժողովածվի բանաստեղծությունների վերջին շարքը կրում է «Ֆրագմենտներ» խորագիրը. բանաստեղծն այստեղ դուրս է գալիս կյանքից ստացած առանձին տպավորությունների վերարտադրման շրջանակներից և փորձում է անդրադառնալ մեր ժողովրդի պատմական անցյալին, գնահատել այն նոր կյանքի բարձունքից, ցույց տալու համար նորի առավելությունը դաժան հնի հանդեպ:

«Հերոսական ֆրագմենտներ» և «Կրեմլ» բանաստեղծությունների մեջ՝ կրեմլի հերոսական անցյալի նկարագրության միջոցով պոետը փորձում է լուծել ռևոլուցիայի և ժողովուրդների միջև գոյություն ունեցող փոխհարաբերությունը:

Կրեմլի մեջ նա տեսնում է ռուսական պետականության ուժի մարմնացումը, ռուս ժողովրդի ռևոլուցիայի ոգին: Խորապես զգալով ռևոլուցիայի կատարած գերը ժողովուրդների կյանքում, Հուրյանն այնուամենայնիվ չի կարողանում տիպական գծերով դրսևորել ժողովուրդների անցած ճանապարհը:

դեպի ուղղուցիան, նա մնում է երևույթների նկարագրության արտաքին հատկանիշների բացահայտման սահմաններում: Բանաստեղծությունների մեջ դրսևորված առաջատար տենդենցները և ստեղծագործական թերություններն իրենց ցայտուն արտահայտությունն են գտել այդ շրջանում գրած նրա պոեմների մեջ:

«Հողի արյունը», «Դնեպր» պոեմները դրսևորում են ստալինյան հնգամյակի հիմնական խնդիրները, կապված նոր մարդու վերափոխման պրոցեսի հետ:

«Հողի արյունը» պոեմը, գրված 1932 թվին, պատկերում է Բաբվի նավթահանքերում կազմակերպվող պայքարը սոցիալիստական ինդուստրիայի լիակատար հաղթանակի համար: Հուրյանը ցույց է տալիս, որ սոցիալիստական աշխատանքի պրոցեսում մարդկանց հոգեբանության մեջ ձևավորվում և ամրապնդվում է սոցիալիստական գիտակցությունը:

Պոեմն սկսվում է նավթահանքերում բանվորական ժողովի նկարագրությամբ. նախ ներկայացվում է սոցիալիստական կյանքը հաստատող սովետական մարդը. նախկին բանվոր, այժմ առաջ քաշված պարտիական աշխատող Սեթոն, բանվորական կոլեկտիվի առաջ հանդես է գալիս, որպես նոր կյանքի առաջավոր դիրքերը նվաճած, սոցիալիստական գիտակցությամբ օժտված մարդ: Հուրյանը ընդհանուր շտրիխներով գծում է կոլեկտիվի և անհատի ձգտումների ներդաշնակությունը:

Պոեմում նկարագրվում է Բաբվի նավթահանքերից մեկում առաջավոր բանվորների և ինժեներների պայքարը վնասարարական տարրերի դեմ, նավթի արտադրանքի բարձրացման համար: Երիտասարդ կոմունիստ ինժեներ էլմանը պայքարում է տեխնիկական հին ինտելիգենցիայի այն ներկայացուցիչների դեմ, որոնք խոչընդոտ են հանդիսանում նորարարության և աշխատանքի սոցիալիստական մեթոդների զարգացմանը:

Բանվոր Սեթոն կազմակերպում է հանքերում նավթի հանույթը բարձրացնելու գործը, ձգտում է կիրառել նոր, ավելի բարձր տեխնիկական նորմաներ, ծավալել սոցիալիստական մրցակցությունը՝ թնությունը հաղթահարելու, դասակարգային թշնամիների ուժերը ջախջախելու համար:

«Հողի արյունը» պոեմը Հուրյանի լավագույն ստեղծագործություններից մեկն է. Երիտասարդ բանաստեղծը սովետահայ գրականության մեջ առաջիններից էր, որ փորձում է գեղարվեստական պատկերներով ներկայացնել սոցիալիստական արտադրության մեջ ծավալվող և զարգացող նոր հարաբերությունները, պայքարը հնի դեմ և նորի հաղթանակը:

Սակայն իր նկարագրությունների մեջ բանաստեղծը դեռևս լիակատար կերպով չի գտել գեղարվեստական այն միջոցները, որով հնարավոր էր վերարտադրել մեր իրականության մեջ տարվող աննախընթաց պայքարը հնի դեմ: Գեղարվեստական ընդհանրացումները հանդես չեն գալիս իրար հետ սերտորեն շաղկապված: Սխեմատիկ են գծված հիմնական կերպարները, այնուհի, ուր անհրաժեշտ է տիպական գծերը պատկերել գեղարվեստորեն, բանաստեղծը դիմում է կոմենտարների, որոնք չեն օգնում կերպարի րացահայտման: Բացի այդ, պոեմի հիմնական կերպարներն իրենց նոր հատկանիշներով հանդես չեն գալիս որպես աշխատանքային նոր պրոցեսի զարգացման արդյունք:

1933 թվականին հրատարակվում է Հուրյանի «Դնեպր» պոեմը: Պոեմում նկարագրված է Դոնբասի ածխահատների հերոսական աշխատանքը ածխի նոր պաշարներ գտնելու, սոցիալիստական ինդուստրիան առաջ մղելու համար:

Դյուդից հավաքագրված կոլտնտեսականները զնացքով մեկնում են Դոնբաս, ածխի արդյունաբերության մեջ աշխատելու համար: Պոեմի առաջին մասում գծագրվում են առանձին կերպարներ՝ հին պարտիզան Չուբան խմբի ղեկավարը, կոմերիտական Չեբոտարը, կուլակաթափ եղած Բոնդարչուկը և ուրիշները: Բանաստեղծն իր գծած կերպարների մեծ մասի մեջ աշխատում է տեսնել կոլտնտեսական ունուցիչի ուժով բարձրացած, կառուցող ժողովրդի պատկերը, նրա հերոսականությունը, աշխատանքային էնտուզիազմը:

Այնուհետև պոեմի սյուժեն զարգանում է երկու ուղղությամբ, մեկը՝ Չուբայի բրիգադի աշխատանքային հերոսությունն է, մյուսը՝ Բոնդարչուկի անկման նկարագրությունը:

«Դնեպր» պոեմի մեջ բանաստեղծը ոչ միայն չի զարգացրել առաջին պոեմի ստեղծագործական նվաճումները, հատկապես նոր կերպարի հայտնադործման և զարգացման ուղղությամբ, այլև թույլ է ներկայացրել կամ համարյա չի ներկայացրել դասակարգային հակասությունները և սոցիալիստական նվաճումների համար մղվող պայքարը: Չնայած դրան, պոեմն ունի մի քանի անժխտելի արժանիքներ: Նախ՝ այդ մի փորձ է ներկայացնելու Դոնբասի բանվորության հերոսական պայքարը առաջին հնգամյակի տարիներին, քարածուխի արտադրանքի բարձրացման համար: Երկրորդ՝ որ Հուրյանը ձգտել է արժարժեք սովետական գրականության կարևոր թեմաներից մեկը, սոցիալիստական աշխատանքի, սոցմրցման և հարվածայնության հսկայական նշանակությունը՝ սոցիալիզմի կառուցման և մարդկանց հոգեբանության վերափոխման գործում:

Ինչպես «Հողի արյունը» պոեմում, այնպես էլ այստեղ սիմվոլիկ պատկերները, իրականության և բնության երևույթների հիպերբոլիկ համեմատությունները, թուլացնում են իրական կյանքի փաստերի հարուստ ու բազմակողմանի բացահայտման հնարավորությունը: Պատկերավորման այդ եղանակը, պոեմի ուղադրությունը շեղել է աշխատող և ստեղծագործող մարդու հոգեբանությունը նկարագրելու հնարավորությունից:

1932 թ. հրապարակված ժողովածուի մեջ Հուրյանը զետեղել է երեք փոքր պոեմ. «Պոեմ անանուն», «Քնքշության բերդ», «Բռնուցքը» վերնագրերով: Այս պոեմները գերազանցապես լիրիկական են և արտացոլում են բանաստեղծի խոհերը՝ սովետական ժողովրդի պատմական անցյալի նկատմամբ: Առաջին պոեմի մեջ՝ նկարագրելով Լեոմոնտովի ժամանակաշրջանը, պոետը աշխատել է վեր հանել նրա ողբերգության պատճառները: Պոեմի դրական գիծը մոայլ անցյալի հակադրությունն է պայծառ ներկային:

«Քնքշության բերդը» պոեմի մեջ բանաստեղծը անցյալի և ներկայի հակադրման միջոցով դրսևորում է մեր օրերի վեհությունը:

Այս մի շեղած երթ է աշխարհի սկզբից,
Որ մասսաներն են տերը իրենց վաստակի,
Ով կարող է նրա թոխները զսպի
Եվ ծանրանա նրա կուռ դաստակին:

«Բռնուցքը» պոեմի մեջ բանաստեղծը ավելի ցայտուն է ընդգծում անցյալի և ներկայի միջև եղած խորը տարբերությունը. պոետը փառաբանում

է նոր կյանքը, որը սկիզբ դրեց հասարակ մարդկանց անօրինակ հերոսություն:

Ամփոփելով Թ. Հուրյանի ստեղծագործության առաջին շրջանը, որպես եղրակացություն կարելի է ասել, որ սոցիալիզմի հաղթանակի և նրա զարգացման առաջին տարիներին Թ. Հուրյանն առաջիններից մեկն էր, որ սովետահայ գրականության մեջ բարձրացրեց սոցիալիստական աշխատանքի թեման, օրգանապես շաղկապված սովետական հայրենասիրության հետ:

Հուրյանի այդ շրջանի ստեղծագործության համար բնորոշ է իրականության ճշմարտացի վերարտադրման գեղարվեստական ձևերի որոնման և նրա բացահայտման տենդենցը: Իր ստեղծագործության մեջ նա դրսևորում է բազմազան ազդեցություններ, որոնք այս դեպքում նրա մոտ հանդես են գալիս ոչ թե որպես օրգանական երևույթ, այլ որպես գրական որոնումների արգասիք: Բանաստեղծի համար դեռևս պարզ չէին սոցիալիստական ռեալիզմի սկզբունքները. սեփական սխալների և խոտորումների քննադատության ճանապարհով նա իր ստեղծագործության մեջ խորացնում էր հինը հաղթահարելու և նորը հաստատելու, նրա զարգացման պրոցեսը ներկայացնելու ձրգտումը:

Հուրյանի ստեղծագործության համար վճռական նշանակություն է ունեցել Մայակովսկու գաղափարական ազդեցությունը և նրա արվեստի արտահայտչական ձևերը: Դա նկատվում է Հուրյանի այդ շրջանի ստեղծագործության տճի, թափի, պաֆոսի մեջ, նրա համարձակ ընդհանրացումների, պատկերների, էպիտետների և մետաֆորների մեջ: Հուրյանի «Մոնումենտը» և «Ծներագում եմ» բանաստեղծությունները Մայակովսկու տաղանդի փառաբանություններն են: Մի շարք բանաստեղծությունների մեջ եղած քննադատական վերաբերմունքը, մանր բուրժուական հոգեբանության, կյանքից կտրվածության, սուբեկտիվ անկումային տրամադրությունների նկատմամբ, կրում են Մայակովսկու քննադատական ոգին: Այդպիսին են Հուրյանի «Մահեր», «Երաշխավորություն», «Փրկություն» և այլ բանաստեղծությունները, որոնք դրված են անմիջապես մեծ բանաստեղծի ազդեցությամբ:

Այդ շրջանի ստեղծագործությունների մեջ Հուրյանը փորձում է իրականությունը ցույց տալ իր բազմազան ձևերի մեջ: Նրա համար բնորոշ է լիրիկո-էպիկական ժանրը, որը արտահայտվում է թե նրա բանաստեղծություններին և թե պոեմների մեջ:

Այդ ժանրը իր զարգացումն է գտնում Հուրյանի ստեղծագործության երկրորդ շրջանում, հատկապես պոեմների մեջ:

Այդ շրջանի հիմնական թեման պատմական անցյալի հերոսական դրվագների նկարագրությունն է. բանաստեղծն այստեղ գտնում է գեղարվեստական արտացոլման ճշմարտացի մեթոդը, սոցիալիստական ռեալիզմը, դուրս գալով վերացական խորհրդածությունների ոլորտից, նա փորձում է պատմական երևույթներն ընդգրկել ավելի կոնկրետ ձևերի մեջ: Բանաստեղծն իր առջև խնդիր է դնում, բացահայտել ազատության, հայրենիքի համար ընկած հերոսների նվիրվածությունը, սերը, անձնազոհությունը:

1941 թվին հրապարակած պոեմների ժողովածուն ընդգրկում է Ստալինյան Կոնստիտուցիայի հաստատման և կենսագործման շրջանում Հուրյանի գրած մեծ և փոքր պոեմները: Այդ շրջանին է պատկանում նաև նրա «Ֆրիկ» դրամատիկական պոեմը:

«Հողը» պոեմի մեջ Հուրյանը գծագրում է զինվորի շինել հագած գլուղացու քաղաքական ինքնագիտակցության զարգացման նոր աստիճանը, երբ նա համոզվել է արդեն, որ հողը չի նվաճվի խնդրանքով, որ այն պետք է ձեռք բերվի ռևոլուցիոն պայքարի ուղիով:

«Սոճիների պուրակում» և «Մեքենավարը» պոեմների մեջ բանաստեղծը նկարագրում է քաղաքացիական կռիվների շրջանում դաշնակցական ավանտյուրիստների կատարած ոճրագործությունները, պատկերում է մասսաների ռևոլուցիոն ինքնագիտակցության աճը, որը ոտքի է հանում հայ ժողովրդին դաշնակների դեմ:

«Սոճիների պուրակում» պոեմի մեջ զինվորները իրենց բռն ցասումն են արտահայտում դաշնակցական բանդիտների դեմ, որոնք պատանի ռևոլուցիոններին նետում են շոգեկաթսայի մեջ: Մեքենավարը վրեժ է լուծում բանդիտներից, խորտակում է զնացքը և ինքն էլ զոհվում նրա հետ: Այս պոեմն իր գաղափարական հագեցվածությամբ, արվեստով, ռևոլուցիոն պաթոսով և ջերմությամբ առանձին տեղ է գրավում Հուրյանի ստեղծագործության մեջ: Բանաստեղծին հաջողվել է կերտել ռևոլուցիոն մարտիկի, մեքենավարի կերպարը, որի բնորոշ գծերն են մարդկային մեծ հումանիզմը, ռևոլուցիոն պաթոսը, բռն ատելությունը թշնամու նկատմամբ և վառ հավատը ապագայի նկատմամբ:

Վերոհիշյալ ժողովածուում զետեղված «Սայաթ-Նովա» պոեմը իր բնույթով և կերպարի քաջահայտման նոր եղանակներով տարբերվում է մյուս պոեմներից:

Պոեմը բաղկացած է 4 մասից. առաջին մասում հեղինակը ընդհանուր գծերով պատկերում է եկեղեցու և կղերական դաստիարակության խեղդող միջավայրից փախչող պատանու խոհերն ու ապրումները բնության գրկում: Թոմաստիկական պաֆոսով բանաստեղծը նկարագրում է պատանի Սայաթ-Նովայի հոգում բնության ուժով ներդաշնակված երգի ծնունդը: Հաջորդ գլխում գեղարվեստական սքանչելի տողերով հեղինակը նկարագրում է ձկնորսների քեֆը Քոի ափին, որին մասնակցում է Սայաթ-Նովան, նվագում ու երգում է նա իր հորինած երգերը բնության, սիրո, մարդու ու աշխարհի մասին: Երրորդ գլխի մեջ Սայաթ-Նովան հանդես է գալիս Հերակլ 2-րդի պալատում, որտեղ նա ենթարկվում է հալածանքի: Այնուհետև նկարագրվում է Աղա-Մահմեդ Կաջարի հրոսակախմբերի ավերածությունները Անդրկովկասում: Սայաթ-Նովան իրեն նետում է զանգակատնից, վերջ տալիս իր կյանքին:

Լիրիկական ջերմ պաֆոսով կերտված այս պոեմն ունի գաղափարական և դեղարվեստական արժեք: Ընդհանուր գծերով վերարտադրելով անմահ երգչի ապրած պատմական ժամանակաշրջանը, հեղինակը ցանկացել է ցույց տալ բռնության և խավարի դեմ ըմբոստացող բանաստեղծի կերպարը, որը ատելությունամբ լցված պալատականներին ու ազնվականներին ուղղում է իր ցասումնալից խոսքերը, որ

«Թամիկ եմ, իշխան դառնալ չեմ ուզում»:

Սայաթ-Նովան ընդվզում է ճորտատիրության դեմ, նա չի համակերպվում ֆեոդալական հասարակության ստեղծած օրենքներին. նա ջատագովում է լուսավորությունը, գիրը, գրականությունը:

Հուրյանը աշխատել է գտնել Սայաթ-Նովայի պատմական հասարակական կերպարի բնորոշ գծերը:

Դիտելով անցյալը, նոր հաղթանակած կյանքի բարձունքից, բանաստեղծն իր զգացումներն ու ապրումները կապում է պատմական տվյալ ժամանակաշրջանի կոնկրետ դեպքերի և երևույթների հետ: Նա մեկ նկարագրում է պատմական էպոսան, Սայաթ-Նովայի հետ կապված դեպքերը, մեկ դիմում է իր ներկայացրած պատմական օբեկտներին և աշխատում է իր ունեցած տպավորություններով հաստատել պատմական առաջընթացի ճշմարտացիությունը: Օրինակ, 4-րդ գլուխը նա սկսում է դիմելով Կովկասի լեռներին.

Տարիններ անցան հողմերի նման
Կովկաս, քո ճերմակ գլխի վրայից,
Քեզ բութը թակեց ու շիթերը ձյան
խարազանեցին երկնային գահից:

Այս նկարագրությամբ բանաստեղծը նախապատրաստում է պատմական ծանր ու դաժան դեպքերի վերարտադրությունը, դեպքեր, որոնք իրենց հետևանքներով նմանվեցին Կովկասյան լեռնաշխարհի բնության տարերքին: Բայց միաժամանակ Հուրյանը Կովկաս լեռնաշխարհի մեջ տեսնում է այն սիմվոլիկ ուժը, որը համախմբել է ժողովուրդներին՝ ընդդեմ բռնակալության:

Հուրյանը Սայաթ-Նովայի քնարի մեջ տեսել է նրա անաղարտ զգացումները, անհուն սերը բնության հանդեպ, կյանքի ընկալման լայն և խորը զգացողությունը: Պոեմի մեջ միաժամանակ բացահայտվում է Հուրյանի սեփական խորհրդածությունները՝ արվեստի, գրականության և կյանքի բազմազան երևույթների մասին:

Թ. Հուրյանի վերջին ստեղծագործություններից է «Ֆրիկ» դրամատիկական պոեմը:

Ֆրիկը հայկական վերածնության խոշորագույն դեմքերից մեկն է. հեղինակը ցանկացել է նրա մեջ տեսնել օտար լծի դեմ ըմբոստացող և մաքառող մեծ հայրենասերի և միաժամանակ վերածնության շրջանի ականավոր քերթողի՝ Կիրպարը: Դրամատիկական գործողությունը սկսվում է Ֆրիկի ընտանեկան դրամայով: Հարկի փոխարեն տանում են Ֆրիկի որդուն, մայրը՝ Մովինարը շղիմանալով այդ ծանր հարվածին, խելագարվում է: Ֆրիկի անձնական տրագեդիան զուգորդում է սոցիալական անարդարությունների հետևանքով հայ ժողովրդի համար ստեղծված հասարակական տրագեդիայի հետ: Հուրյանը կերտում է բռնակալական կարգերի դեմ ըմբոստացող Ֆրիկի հոյակապ կերպարը: Ֆրիկը հանդես է գալիս մոնղոլական լծի դեմ, կոչ է անում խաչի տեղ վերցնել սուրը և պայքարել հայրենիքի անկախության համար: Օտարերկրյա բռնակալների կամայականությունների հետ միասին, պոեմում բացահայտվում են երկրի ներսում եղած սոցիալական հակասությունները: Ֆեոդալական իշխանության ներկայացուցիչները և հայ եկեղեցին հանդես են գալիս իրենց կամայականություններով ու բռնություններով:

Ֆրիկի բողոքը եկեղեցական անօրենությունների, չարաշահումների դեմ, արժանանում է կղերականության հալածանքին: Իր քննադատության մեջ Ֆրիկը հանդում է աթեիստական եզրակացությունների:

Պատմությունը Ֆրիկի մասին կենսագրական քիչ տվյալներ է թողել մեզ: Հուրյանը իր ստեղծագործական երևակայությամբ ստեղծում է հավանական դեպքեր, ընդհանրացումներ, տարբեր իրադրություններ, որոնց մեջ հասկա-

նալի են դառնում Ֆրիկի ըմբոստացումը, քննադատությունը, նրա արտահայտած դեմոկրատական, հումանիստական, հայրենասիրական հայացքները:

Այդպիսի հավանական մոմենտներից մեկն է Ֆրիկի և Կոստանդին Երզնկացու հանդիպումը: Հուրյանը աշխատել է բնութագրել նաև Երզնկացու հասարակական մտածողության բնորոշ գծերը, որին հանդիպում ենք մենք սիրային և բնության երգերի մեջ:

«Ֆրիկ» դրամատիկական պոեմի մեջ Հուրյանը աչքի է ընկնում հերոսների բնավորությունները ստեղծագործական բարձր պաֆոսով կերտելու կարողությամբ: Կերպարների միջոցով նա դրսևորում է պատմական իրականությունը: Լավ է գրված Ֆրիկի կոչը Կոստանդին Երզնկացուն, նրա անձնական խոհերը և այլն: Ուշագրավ կերպար է Ծաղկող Հովնանը:

* * *

Այդ շրջանի համար բնորոշ են նաև նրա այն բանաստեղծությունները, որոնք հրատարակվել են «Աստղ» ժողովածուում, 1943 թվականին: Գրքում այդ բանաստեղծությունները զետեղված են «Նախազգացում» և «Հայրենի երկիր» բաժիններում: Բանաստեղծությունների այդ շարքի բնորոշ գիծը կրկին հայրենասիրությունն է: «Նախազգացում» բաժինը անմիջապես կապվում է Հայրենական պատերազմի հետ:

Հուրյանը նկարագրում է մեծ առաջնորդի կյանքի առանձին դրվագները: «Մետեխ» բանաստեղծության մեջ նա արտացոլում է ընկեր Ստալինի ռևոլուցիոն գործունեությունը, նրա բոլշևիկյան անխորտակելի կամքը, որով նա հաղթում է բոլոր դժվարությունները:

Որով նա հպարտ քայլում էր միշտ
Կուռ շղթաների, սրբի միջով,
Ելուխը բարձր, ճակատը անվիշտ
Հայացքով կրակ ու անդիշտ:

«Գործում» քանաստեղծության մեջ արտահայտվում է բանաստեղծի ջերմ զգացումները առաջնորդի մանկության և նրա ծննդավայրի նկատմամբ: Առաջնորդի և նրա զինակիցների սխրագործությունների նկարագրությունը տվյալ շրջանում, ուներ իր կոնկրետ նպատակը, նրանց կյանքի նկարագրության միջոցով վեր հանել մեր պարտիայի ռևոլուցիոն տրադիցիաները, նրա պայքարի անսպառ ուժերը և թշնամուն ջախջախելու մեծ հավատը:

Նույն գրքում զետեղված տրիոլետների մեջ բանաստեղծը արտացոլում է իր խոհերն ու զգացումները սովետական մարդու նկատմամբ: Բանաստեղծի ստեղծագործության բնորոշ գիծը մարտական տրամադրությունն է, օպտիմիզմը: Այդ ճիշտ հայացքը բանաստեղծին հնարավորություն է տալիս ներկայացնելու կոնկրետ իրականության պատկերը, մեր հայրենիքին սպառնացող պատերազմի վտանգը:

Ուր էլ լինես իմ ընկեր, դու վառողը շոր պահի,
Աչքդ արթուն, սիրտդ բաց, խնդությունդ անաղի,
Խտանում են ամպերը, պատերազմի ու մահի
Նվ ուր որ է՝ երկինքը շուտով անձրև կմաղի:

Հաջորդ քառյակների մեջ բանաստեղծը բացահայտում է սովետական քաղաքացու վեհությունը, նրա պայքարի ճշմարտացիությունը՝ «Հանուն մարդու խնդության, արդարության ու հացի»:

Բանաստեղծը ինքը զինված է մարտական տրամադրությամբ: Նա ներշնչված է նոր երգերով, հաղթանակների նոր հեռանկարներով:

Ոգի, ոգի ներշնչիր քո երգերին բանաստեղծ,
Ու երգերով մարտ գնա ու հավատով մարտ գնա,
Որ հայրենի փառքը քո հպարտ ու վեհ միշտ մնա,
Ոգի, ոգի ներշնչիր քո երգերին բանաստեղծ:

Նախապատերազմյան շրջանի երգերի մեջ հետաքրքիր են հայրենիքին նվիրված բանաստեղծությունները: Վեհապանծ Արարատը բանաստեղծի հոգին լցնում է անսահման թովչանքով հայրենի բնության գեղեցկության հանդեպ: Բանաստեղծը հիացած է նոր, սովետական հայրենիքով: «Հուշ» բանաստեղծության մեջ նա դրում է.

Ոնց շքացան այդ բոլորը անդարձ անցան,
Եվ տնակը մեր ազատվեց արհավիրքից,
Պայծառ լինի հիշատակդ պայծառ, պայծառ,
Ազատարար գու մեր հացի, հողի, կյանքի:

Այդ շրջանի երգերի մեջ ամենալավագույն բանաստեղծությունն է «Աստղը». պոետը նկարագրում է Կրեմլը, նրա գլխին ճառագող աստղը, որպես Ստալինյան Կոնստիտուցիայի շնորհիվ աճած ժողովուրդների քաղաքական միասնության սիմվոլ, սովետական յուրաքանչյուր քաղաքացու հայրենասիրական հպարտության սիմվոլը:

Միլիոնների աստղ գու
Վառվիր, հուրհրա
Երջանկություն գու մարդու,
Դու ցնծության ջահ:

Այդ բանաստեղծության մեջ արտահայտված է սովետական քաղաքացու գիտակցության բարձր աստիճանը, կոմունիստական գիտակցությունը, որը նրան տալիս է պայքարի, սխրագործության, հաղթանակի հզոր ուժ:

1941 թվականին սկսվեց Հայրենական պատերազմը: Սովետական ժողովուրդը ոտքի կանգնեց պաշտպանելու իր անկախությունը, իր հայրենիքը և իր պետությունը: Բաթուլ Հուրյանը դարձավ Հայրենիքի զինվոր և իր ընկերների հետ կանգնեց Սևաստոպոլի պատերի տակ, պաշտպանելու իր հայրենի երկիրը ֆաշիստական հորդաններից: Սևաստոպոլյան բանաստեղծությունների շարքը նրա ստեղծագործության պսակն է կազմում: Ռազմաճակատում թնդանոթների որոտի տակ, նա նռնակներ էր նետում տանկերի դեմ և երգեր հորինում Հայրենական մեծ պատերազմի հաղթանակի մասին:

«Սևաստոպոլ» բանաստեղծության մեջ նա նկարագրում է Սովետական Միության հզոր քաղաքներից մեկը, որն իր անօրինակ պաշտպանությամբ հերոս քաղաքի անունը շահեց:

Քաղաք, փառքի, սիրո, քաղաք հերիաթական
Բախումների հանդեպ անպարտ ու անզիջում,
Քո փեշերին ահա հազարները ընկան,
Թշնամին է խեղդվում իր իսկ արյան լճում:

Բանաստեղծը խորը հավատով է լցված սովետական ժողովրդի ուժի և նրա հաղթանակի հանդեպ: 1942 թ. գրած «Մենկեզյան լեռներ» բանաստեղծության մեջ նա դիմում է իր ընկերներին, արիության, հաղթանակի կամք ներշնչում նրանց:

Պատերազմի ծուխն է մեր ճակատը փակել,
Բայց կռուտան նորից կառարները ձեր վեհ,
Դու հավատով լեցուն մարտնչի իմ ընկեր,
Վաղը կը պարուրի հաղթության լույսը բեղ:

Մի քանի բանաստեղծությունների մեջ Հուլյանը նկարագրում է պատերազմական առանձին դրվագներ: Այդ գործերի մեջ հանդես են գալիս նրա հոգեկան վսեմ հատկանիշները, Հայրենիքի հանդեպ ունեցած անհուն սերը, ատելությունը և ցասումը թշնամիների դեմ:

Իր կյանքի վերջին օրերին գրած բանաստեղծությունները լցված են հաղթանակի կենսական խորը զգացումներով:

1942 թ. հունիսի 18-ին հիվանդանոցից ռազմաճակատ մեկնելու առիթով Հուլյանը գրում է իր «Վերադարձ» բանաստեղծությունը:

Վերադարձա ձեզ մոտ, կովենք, իմ ընկերներ,
Կրծքներս դեմ տված շարիքին աշխարհի,
Լավ է երգը շուրթին ուրթի վրա մեռնել,
Քան ապրել շղթաված, որպես ճորտ ու գերի:

Բանաստեղծությունն ինքնաբերական է, անկեղծ, գրված ջերմ պափոսով և հաղթանակի հավատով:

1942 թվականի հունիսի 19-ին Հուլյանը գրում է իր վերջին բանաստեղծությունը, որը արտահայտում է մահվան գնով թշնամուն հետ մղելու, հայրենիքի կյանքի համար սեփական կյանքը զոհելու պատրաստակամությունը: Խորը հայրենասիրությունը ստեղծում է խոր արհամարհանք դեպի մահը: Սովետական Բանակի մարտիկների այդ զգացումը պարզորեն արտահայտել է պոետը հետևյալ տողերում.

Մահը նայում է անզոր, զարմացած,
Մահը սարսափած հեռում է գնում,
Եվ հերոսությունն ինքը ցած իջած
Նրանց ճակատին պսակ է դնում:

Հերոսությունը պսակ դրեց և իրեն՝ բանաստեղծ Հուլյանի ճակատին: Երեք օր անց նա ընկավ մարտի դաշտում, որպես հայրենիքի անձնազոհ մարտիկ:

Իր նամակներից մեկում նա գրում է իր ընկերներին. «Երբ վաղը ես չլինեմ, խնդրում եմ, երբ մեծանան իմ մանուկները, ասացեք նրանց, որ Թ. Հուլյանը աշխարհում մի բան էր ամենից շատ սիրում, դա իր հայրենիքն է, որին զոհեց և իր կյանքը»:

* * *

Հուլյանի բանաստեղծությունները լիրիկական են և էմոցիոնալ: Գեղարվեստական պատկերների միջոցով նրանք արտահայտում են բանաստեղծի մտածողության նոր որակը, նրա քաղաքական տենդենցը: Հուլյանը քաղաքական լիրիկայի լավագույն արտահայտիչներից մեկն է սովետահայ պոեզիայում, մի բանաստեղծ, որի մոտ անհատական թեման դրսևորվում է որպես հասարակական թեմա և այդ անձնականը իր կենսունակությունը գտնում է միայն սովետական կյանքի հետ ունեցած օրգանական կապի մեջ:

Р. Нанумян

Татул Гурян

Татул Гурян является одним из талантливых поэтов, выросших в дни сталинских пятилеток.

В большинстве своих поэм и стихов он отражает интеллектуальный и духовный рост советской молодежи.

Гурян глубоко эмоциональный поэт. На поэтическое творчество Гуряна особое влияние оказали творческие традиции русской советской поэзии. В ряде его поэм „Машинист“, „В сосновой роще“, „Кровь земли“, „Днепр“ и др. отражены отличительные черты характера советского человека. В поэмах „Фрик“ и „Саят-Нова“ Гурян старается в высоко-художественных образах передать борьбу народов против реакции и насилия, во имя гуманизма и победы свободолюбивых идей.

Поэмы Гуряна преисполнены плаченным оптимизмом и глубокой верой в победу советского народа. Татул Гурян погиб героической смертью при защите Севастополя в июне 1942 г.